

12. gr.

Ársreikning sjóðsins skal birta í Lögbirtingablaðinu.

141

6. ágúst

13. gr.

Leita skal staðfestingar ríkisstjóra á skipulagsskrá þessari.

14. gr.

Skipulagsskráin óskast birt í B-deild Stjórnartíðindanna.

Staðfesting ríkisstjóra Íslands á skipulagsskrá fyrir „Skógræktarsjóð Ásbyrgis“, 142
útfegin á venjulegan hátt að mandatum af dóms- og kirkjumálaráðherra 6. ágúst 1941. 6. ágúst
Skipulagsskráin er þannig:

SKIPULAGSSKRÁ

fyrir Skógræktarsjóð Ásbyrgis.

1. gr.

Sjóðurinn heitir Skógræktarsjóður Ásbyrgis.

2. gr.

Sjóðurinn er stofnaður af sýslunefnd Norður-Þingeyjarsýslu 17. júní 1940 með kr. 300.00, er greiðist á næstu þrem árum úr sýslusjóði.

3. gr.

Tilgangur sjóðsins er að efla skógrækt í Ásbyrgi. Skulu allar tilraunir, er að því lúta, gerðar í samráði við skógræktarstjóra ríkisins.

4. gr.

Höfuðstól sjóðsins má aldrei skerða og skulu vextir leggjast við hann óskiptir þar til sjóðurinn er orðinn kr. 10000.00. Eftir það má stjórn sjóðsins verja árlega allt að $\frac{3}{4}$ vaxtanna til skógræktar í Ásbyrgi.

5. gr.

Tekjur sjóðsins eru:

- a. vextir af höfuðstól;
- b. hvers konar gjafir, áheiti og tillög, sem sjóðnum kann að hlotnast.

6. gr.

Handbært fé sjóðsins skal ávaxta í Sparisjóði Norður-Þingeyinga eða annarri jafn tryggri lánsstofnun.

7. gr.

Stjórn sjóðsins hafa á hendi: umsjónarmaður Ásbyrgis og tveir menn, er sýslunefnd kys til fjöggra ára í senn. Í fyrsta sinn er kosning fer fram, skal þó annar fulltrúinn aðeins kosinn til tveggja ára og fari kosning síðan fram á einum fulltrúa á tveggja ára fresti. Stjórn sjóðsins geymir sparisjóðsbók sjóðsins og verðbréf og gerir árlega reikningsskil. Skulu reikningar sjóðsins endurskoðaðir af endurskoðanda sýslunnar og lagðir fyrir aðalfund sýslunefndar ár hvert til samþykktar.

142

6. ágúst

Ákvæðum skipulagsskrár þessarar má breyta ef $\frac{3}{4}$ sýslunefndarmanna Norður-Þingeyinga á aðalfundi samþykkja breytinguna. 1.—3. grein skulu þó ávallt haldast óbreyttar.

Þannig samþ. á aðalfundi sýslunefndar Norður-Þingeyjarsýslu 14. júlí 1941.

J. Havsteen,

sýslumaður í Þingeyjarsýslu.

143

7. ágúst

Staðfesting ríkisstjóra Íslands á skipulagsskrá fyrir „Minningarsjóð Benedikts Blöndal á Hallormsstað“, útgefin á venjulegan hátt að mandatum af dóms- og kirkjumálaráðherra 7. ágúst 1941.

Skipulagsskráin er þannig:

SKIPULAGSSKRÁ

fyrir Minningarsjóð Benedikts Blöndal á Hallormsstað.

1. gr.

Sjóðurinn heitir Minningarsjóður Benedikts Blöndal.

Stofnendur sjóðsins eru:

Kaupfélag Héraðsbúa á Reyðarfirði, Búnaðarsamband Austurlands og búnaðarfélagin á sambandssvæðinu.

Sjóðurinn er stofnaður á aðalfundum Kaupfélags Héraðsbúa og Búnaðarsambands Austurlands árið 1939, dánarári Benedikts Blöndals.

Stofnfé sjóðsins er 3000 krónur frá Kaupfélagi Héraðsbúa, 1000 krónur frá Búnaðarsambandi Austurlands og 2000 krónur frá búnaðarfélagunum, samtals 6000 krónur.

Stofnendur sjóðsins fólu forstöðukonu Húsmæðraskólans á Hallormsstað, skólaráði þess skóla, framkvæmdarstjóra Kaupfélags Héraðsbúa og formanni Búnaðarsambands Austurlands að ákveða sjóðnum verkefni, er væri í anda Benedikts Blöndal og geymdi sem bezt minningu hans.

2. gr.

Sjóðurinn er afhentur Húsmæðraskólanum á Hallormsstað til fullrar eignar og umráða innan þeirra takmarka, sem skipulagsskrá þessi ákveður.

Sjóðurinn er afhentur í peningum.

Hann skal ávaxta á öruggan hátt, svo sem stjórn hans telur hagkvæmast.

Höfuðstól sjóðsins má aldrei skerða.

Næstu 10 árin skal $\frac{1}{4}$ vaxtanna árlega lagður við höfuðstólinn.

Að 10 árum liðnum skal skipulagsskráin endurskoðuð og þá ákveðin meðferð höfuðstóls og vaxta eftir því, sem henta þykir, sjá þó 3. gr. Skal skipulagsskráin endurskoðuð af sömu aðilum er sömdu hana.

3. gr.

Starfsvið sjóðsins skal ávallt vera að prýða, rækta og bæta umhverfi Húsmæðraskólans á Hallormsstað.

Árlega skal verja $\frac{3}{4}$ vaxta sjóðsins á þenna hátt næstu 10 árin (sjá 2. gr.).

Fyrsta vaxtaúthlutun fer fram árið 1941 af vöxtum sjóðsins fyrir árið 1940.